



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: A-199/20

Datum: 01.07.2020. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

**ODLUKU**  
o izboru najpovoljnijeg ponuđača

**Član 1.**  
(Predmet odluke)

Ugovor o nabavci za usluge servisiranja i održavanja printera, faksova, kopir aparata, skenera i multifunkcionalnih uređaja Tužilaštva – Tužiteljstva Bosne i Hercegovine, dodjeljuje se ponuđaču **ALF-OM d.o.o. Banja Luka**

**Član 2.**  
(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnom Konkurentskom zahtjevu za dostavu ponuda.
- (2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Zahtjevu.

**Član 3.**  
(Stupanje na snagu)

Ova odluka stupa na snagu datumom donošenja.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: A-199/20 od 26.05.2020. godine. Javna nabavka je provedena putem konkurentskog postupka. Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-2-161-3-8/20 od 29.05.2020. godine. Do krajnjeg roka za dostavu ponuda, na Protokol Tužilaštva – Tužiteljstva zaprimljene su četiri uredno zapečaćene i neotvorene ponude ponuđača: ALF-OM d.o.o. Banja Luka sa ponudnom cijenom od 120,00 KM bez PDV-a, Facit d.o.o. Sarajevo sa ponudnom cijenom od 6,00 KM, Aspo Rail d.o.o. Sarajevo sa ponudnom



cijenom od 225,00 KM bez PDV-a i „11“ d.o.o. Istočno Sarajevo sa ponuđenom cijenom od 0,60 KM bez PDV-a.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2020. godinu, broj: A-450/19 od 26.12.2019. godine i A-450-1/19 od 31.03.2020. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

- Na osnovu člana 66. stav 1. Zakona o javnim nabavkama Bosne i Hercegovine, Komisija je uputila ponuđaču „11“ d.o.o. Istočno Sarajevo Zahtjev za pojašnjenje neprirodno niske ponuđene cijene, broj: A-199/20 od 09.06.2020. godine. Nakon blagovremeno dostavljenog pojašnjenja za neprirodno nisku ponudu od strane ponuđača „11“ d.o.o. Istočno Sarajevo, Komisija je razmotrila pojašnjenje i isto ocjenila u potpunosti osnovanim.
- Komisija je utvrdila da je ponuđač „11“ d.o.o. Istočno Sarajevo u svrhu dokazivanja tehničke i profesionalne sposobnosti iz tačke 3.3 Konkurentskog zatjeva, dostavio potvrdu Tužilaštva BiH o uredno izvršenom ugovoru od dana 02.06.2020. godine. S obzirom da je kao vrijeme trajanja ugovora u potvrdi Tužilaštva BiH naveden datum od 13.06.2018. – 03.06.2020. godine, te da je u potvrdi navedeno da je ugovor uredno izvršen. Komisija je konstatovala da je potvrda izdata prije isteka potpisanog/zaključenog ugovora što je Komisiju opredjelo, a u skladu sa tačkom 3.3 Konkurentskog zahtjeva da kod nadležnog organa – Odjel za materijalno finansijske poslove Tužilaštva BiH izvrši dodatne provjere stepena izvršenosti ugovora. Dana 10.06.2020. godine Komisija je uputila dopis Odjelu za materijalno finansijske poslove Tužilaštva BiH kojim je zatražila informacije o tome da li je navedeni ugovor sa ponuđačem „11“ d.o.o. Istočno Sarajevo, u potpunosti izvršen i realizovan u skladu sa pozitivnim zakonskim propisima i pravilima struke. Nakon dostavljenog pojašnjenja Odjela za materijalno-finansijske poslove Tužilaštva BiH, Komisija je utvrdila da je:
  - okvirni sporazum broj: A-142-13/18 od 13.06.2018. godine sklopljen na period od 24 mjeseca ili do potpunog utroška sredstava u zavisnosti koja okolnost prije nastupi, na iznos od 25.641,03 KM bez uračunatog PDV-a, odnosno do 30.000,00 KM sa uračunatim PDV-om.
  - da je sa danom 10.06.2020. godine Sporazum realizovan kroz 13 pojedinačnih ugovora u ukupnoj vrijednosti od 24.178,97 KM bez uračunatog PDV-a i realizovan je u skladu sa pozitivnim zakonskim propisima i pravilima struke.
  - - Da nerealizovani dio sa danom 10.06.2020. godine iznosi 1.462,06 KM bez uračunatog PDV-a.
- Analizom dostavljenih ponuda i poređenjem istih sa zahtjevima navedenim u Tenderskoj dokumentaciji za nabavku usluga servisiranja i održavanja printera, faksova, kopir aparata, skenera i multifunkcionalnih uređaja Tužilaštva – Tužiteljstva Bosne i Hercegovine, broj: A-199/20 od 29.05.2020. godine, utvrđeno je da su sve dostavljene ponude u potpunosti prihvatljive i zadovoljavaju uslove Tenderske dokumentacije i Tehničke specifikacije.


Konkurentskim zahtjevom predviđena je e-aukcija, koja je i provedena dana 19.06.2020. godine. Na e-aukciji su aktivno učestvovala dva ponuđača: ALF-OM d.o.o. Banja Luka i „11“ d.o.o. Istočno Sarajevo, dok ponuđači Facit d.o.o. Sarajevo i Aspö Rail d.o.o. Sarajevo nisu učestvovali. E-aukcija je uspješno završena, te je najpovoljniji ponuđač nakon završetka e-aukcije ALF-OM d.o.o. Banja Luka, sa konačnom cijenom u iznosu od 0,01 KM bez PDV-a.

Shodno navedenom, članovi Komisije su uputili preporuku glavnom tužiocu Tužilaštva-Tužiteljstva Bosne i Hercegovine donošenje odluke o dodjeli ugovora ponuđaču ALF-OM d.o.o. Banja Luka, čija ponuda u potpunosti ispunjava uslove za nabavku predmetnih usluga.

Uzimajući u obzir navedeno, odlučeno je kao u dispozitivu ove odluke.

### Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva – Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.



GLAVNI TUŽILAC  
TUŽILAŠTVA - TUŽITELJSTVA BIH

Gordana Tadić

Dostavljeno:

- Ponuđačima;
- Odjelu za mat.-fin. poslove.